


二希堂緝齋文詩合編

崇堃題簽

PL  
2727  
S16  
1725  
v.3





緝齋文集卷之二

漳浦蔡新葛山

頌雅

平定準噶爾頌

有序

皇天眷佑我

國家撫有區夏

聖

聖相承聲靈暨訖覃及遐方丕冒所極日月照臨之地  
蠻夷荒服諸君長罔不肅將奔走棧山航海貢篚篚而



來者以後爲羞惟茲準噶爾僻在西陲憑阻不恭我  
聖祖仁皇帝三駕親征肅清沙漠

世宗憲皇帝用伸撻伐未訖天誅

皇上紹承大統益治方內不矜遠畧二十年來煦嫗覆  
育誕示包荒迺逆夷自作不靖篡奪相尋延及達瓦齊  
汨亂天常戕其君長而虐用其民人是用不惠於衆四  
部蕩析離居乾隆十九年杜爾伯特車楞輝特阿睦爾  
撒納等率所部先後歛關歸命相與請師致討願效前  
驅在廷諸臣無有遠識深慮咸懷疑莫決



皇帝哀矜庶族之不幸不忍棄之覆幬之外又以遠夷  
來附非定其地不足以安輯降衆爰是

宸衷默運斷以不疑開誠示信

命將出師期以今年春由西北兩路分道並進自餽運  
調發招降奪險搗穴制勝諸機宜悉經

睿謨指授若燭照數計龜卜無或遺者師行之日遊牧  
不驚壺漿載道所過諸酋長望風歸附噶爾藏多爾濟  
等爭裹糧從師率先用命遂以五月朔抵伊犁采入其  
阻擒逋虜巴朗孟可特墨爾等收獲青海三十餘年叛



孽羅卜藏丹津父子獻俘 闕下餘悉安堵如故旣渡  
河掃其巢俘其妻子眷屬諜知賊所在乘夜擾其營皆  
惶駭不知所爲自相躡藉達瓦齊踉蹌宵遁我師分捕  
益急餘黨盡散乃以數十騎奔回回境回人擒之以獻  
罪人斯得夷地悉定是役也膚功迅奏人不知兵不遺  
一鏃不血一刃數月之間畧地萬有餘里戶不下十數  
萬自開闢以來未有若斯之盛者也奏至羣臣舞蹈歡  
呼仰惟

聖上功德日隆威加絕域合辭請上



尊號以光昭盛軌

皇帝謙讓弗居嚴恭寅畏迺虔告

郊

廟惇崇禋祀咸秩無文六月吉日恭上

聖母皇太后徽號禮成頌

詔中外愷澤旁流在事諸臣錫爵進秩有差其凶甲子  
皇帝曰古者出征受成於學歸而以訊馘告禮也朕將  
以明年春幸闕里釋奠

先師告成功焉羣臣其恪恭將事文德武功裔裔煌煌



夔哉盛矣

微臣

佐司邦禁幸與受俘之典謹拜手稽首

而獻頌曰

皇帝凝命膺籙輯圖天冒與冒地敷與敷南諧北燮越  
島踰汎罔不率俾悉主悉臣蠢茲準夷世濟其凶甲于  
內亂奸賊外訐乃部其殘是毒是螫扶抱偕來籲

皇垂惻

皇帝曰咨孰爲匪民載焚載溺我是用振簡徒出車率  
時降衆各徠所親招攜脅從

士師泣止道無違者農嬉於耕牧遊於野望雲瞻霓包



羔酌乳猷我來蘇襲鼓軒舞彼阻伊犁實惟逋藪兩路  
齊驅摧枯拉朽危葉畏颺驚禽駭絡不突狼奔纍纍就  
縛昔在有苗三旬來格孰若我

皇有命無逆亦越鬼方荆楚伊邇孰若我

皇宣威萬里我

皇之功惟仁克武禁暴取殘匪安弗怒我

皇之聖惟明克斷訐謨遠猷咸歸

睿算荒憬獻琛西傾順軌四夷咸賓我

皇多祉惟此蕃祉有命自



天休有烈光億萬斯年

皇之聖神聖京禮博斯敷燭如融

皇之聖神聖京禮博斯敷燭如融

皇之聖神聖京禮博斯敷燭如融

皇之聖神聖京禮博斯敷燭如融

皇之聖神聖京禮博斯敷燭如融

皇之聖神聖京禮博斯敷燭如融

皇之聖神聖京禮博斯敷燭如融

皇之聖神聖京禮博斯敷燭如融



皇上五十萬壽頌

謹序

皇上御極之二十有五年庚辰八月乙酉日月會於壽星之次恭逢

萬壽聖節五十大慶於時海宇乂安民物康阜懷荒振遠化協乎中外凡覆幬所及日月雨露之所照曜霑濡含生負氣之倫罔不歡欣抃舞喁喁然曰

聖人久於其道而天下化成此其時也

臣

竊惟自古帝

王德大者其報必隆孔子稱舜至於祿位名壽之必得而皆原於德爲聖人我



皇上具徇齊敦敏之資聰明睿知

聖性之生安卽堯舜之性也加以好古敏求千聖百王之道法萃於一身

聖學之淵微卽周孔之學也

臨御以來敬

天尊

祖勤政愛民二十餘年有如一曰事舉政平典從禮敘聖政之所涵濡凡可以祈天永命禔福凝禧者夫固無美之不備也然後膏流寰寓威加絕域拓地二萬餘里



自伊犁蕩平準噶爾全部大定以次及於左右哈薩克  
東西布魯特咸稽首歸化願爲臣僕西域諸回部之叛  
服靡常者亦皆底定肅清頰首受吏自開闢以來史冊  
罕覩之盛皆於我

皇上圖王會集大成焉

聖功之昭布凡所以錫福宜民鞏萬年不拔之基者又  
已無盛之弗臻也然且

聖心有加至誠無息履滿思謙惟懷永圖進廷臣而申  
之以勿逸勿休撫全盛而濟之以其難其慎



聖功茂矣

聖心純焉昔周書稱享國長久必本於無逸我

皇上未明求衣日昃不遑其於徽柔懿恭之聖前後同  
揆固將超軼伊耆巍隆軒后若商三宗誠未足以侔盛  
也抑臣又聞之五十者天地之中數而百千萬億之所

由兆也謹案河圖天五居中地十成之故大衍之數五  
十而分二掛一揲四歸奇以後得乾策二百一十有六  
坤策百四十有四合二篇之策萬有一千五百二十其  
衍遂至於不可窮洛書中五而不言十然四正之一九



三七四隅之二八四六合之皆十也準以中宮五數亦  
爲五十用能建皇極之中而五福以備宋儒邵氏之行  
爲經世一書以一元統十二會三百六十運四千三百  
二十世凡十二萬九千六百年爲一元總數蓋生生不  
已之機引而伸之莫可紀極也又案今年歲在辰辰爲  
壽星之次太歲之所居也是月也斗建大梁而酉與辰  
會日月亦會於壽星晦朔望於是乎取之此又月與  
歲合天道自然之運瑞應之符非可强而致也欽惟我  
皇上建中和之極合三才之撰緝熙純嘏既有以握其



券而

聖壽所徵又與大衍之數皇極之中天道運行日月躔離之次適相值焉逢吉丁辰曠世希覩臣有以知

上蒼眷佑之隆

皇上凝休之慶壽考萬年與天無極也於是百辟卿士咸歌天保之章繹九如之義以稱觴上

壽一時期門侍子左谷右賢暨鞮譯諸酋長朝玉帛而來者皆歡欣舞蹈如同一家

一人有慶而八表同風懿哉皇王之極軌也臣海濱下



士遭際

聖明備員 禁近者二十餘年近

光服

教最爲深切比復蒙

恩予告歸養親見海隅蒼生黃童白叟扶杖鼓腹以歌

詠太平者盈於嘔澁

臣

誠歡誠忭竊不自揆欲率先衢

壤之謠敬效華嵩之祝著爲頌聲獻之

闕下以敷宣

盛軌順成天慶而夕采弗彰忘其固陋亦葵藿傾陽物  
性之不容自己也謹拜手稽首而獻頌曰

皇矣

帝德丕冒恢昌法天之運健行有常應地之厚悠久無疆純禧孔固

三受命溥將

一章

在上章曰維執徐斗柄會合壽星之區虹流電繞嶽貢川呼太平之應

上聖之符

二章

符應維何光華復旦日升月恒星輝雲爛德爲福基天人共貫



皇握其樞如持左券

三章

我

皇敬

天郊壇是格鬱鬯燔燎有孚齊栗嚴恭昭事小心翼翼

上帝居歆不以文以實

四章

我

皇尊

祖孝享惟誠有恪無言俎豆升馨匪春秋是供

家法是繩子孫千億萬年靡不承

五章

皇勤於政披覽罔間稽經誨律不遺清晏匪名是循惟  
實是按匪耽樂之從無忘宵旰

六章

皇殷於民是度是咨孰乾而暎孰涼而魚孰蠲孰賑萬  
億倉儲民曰於哉

天子活予

七章

士之秀矣揚之陟之吏之疵矣釐之剔之文恬武嬉惟  
時其率作之肆聲靈赫濯不遺遐邇

八章

於赫

皇靈踰沙軼漠遂定準夷疆以戎索曰哈薩克曰布魯



特無左右東西惟

皇錫極九章

蠢茲回部敢行稱亂落實披根狼奔鼠竄惟

天子明惟

天子斷者定戎功烽銷燧灌十章

迺撫其殘迺清其藪迺經其屯牧迺固我戶牖中外一

家咸拜稽首咸拜稽首爲

天子萬壽十一

章

昔我

仁祖福祚綿綿亦越

憲皇澤被垓埏惟堯繼譽惟頊嗣軒保世滋大在

聖子

神孫

十二章

稱觴

慈慶玉禾桂醺官府內外歡喜蹈舞

大孝錫類物各得其所於萬斯年受天之祐

十三章

肆南極是光肆櫜槍不揚肆豐年樂康兆姓熙熙祝我

聖皇何以將之



萬壽無疆何以方之地久天長

章十四

新編

卷二



皇母皇太后七十萬壽頌

謹序

皇帝五十大慶之明年歲在重光日躔星紀律中黃鐘之宮冬至前一日己未恭逢

聖母崇慶慈宣康惠敦和裕壽純禧恭懿皇太后七十萬壽歡騰士庶慶溢宮府

皇帝御極之二十有六年也於時九有寧謐民物阜康遠夷率德道化覃敷暢垓汭埏埴奕乎中外凡四方萬國梯山航海備方物以來効嵩呼之祝者累重譯而至無有不恭唐哉懿乎自古皇家福德之隆未有躋登茲

盛者也先是在廷諸臣僉謂

陛下功德日隆巍巍蕩蕩自

臨御以來克享

天心勤恤民隱釐百工熙庶績內治之修明超越千古  
於是平金川定準噶爾收服哈薩克降東西布魯特諸  
回部拓地二萬餘里幅隕之遐濶聲教之宣臻史冊所  
書罔有倫比宜於

萬壽聖節揚盛軌備鴻儀播芳烈於遐邇以光昭

聖天子神明廣運式廓宏規允塞四海臣民之望於禮



爲協

皇帝謙德彌冲未

俞所請迺歸善於

親溯源

慈慶以今年春奉

安輿經恒代陟清涼迓靈貺及冬先期恭修

盛典羣工肅將祇懽奔走偕來以旣厥功合萬國之歡

心隆

一人之敬養大哉恢恢乎

天子之孝也於是掌故諸臣以禮儀上請

皇帝曰且有後命我國家受

天眷佑

列聖相承凡

郊祀大典必躬親宿齋戒昭其虔也今

慈壽聖節適際斯會正易所謂嘉會足以合禮者也是

宜並舉以彰

鴻慶用敬迓

天休迺於齋戒前期加上



徽號頒

詔中外越二日丙辰

皇帝親率王公大臣行慶賀於

慈寧祇祇雍雍穆穆肅肅禮成而退越三日庚申大祀  
於

南郊精禋斯格

天休滋至受釐宣室風日晏溫有踰常歲中外臣民有  
以知

上天之眷佑至深而申錫於無疆也

臣

竊惟自古神聖

之興上莫著於軒黃中罔顯於陶唐繼靡盛於成周史  
稱黃帝在位百年神靈首出而星樞電繞必徵祥於附  
寶帝堯在位九十八年放勳居中天爲極盛而觀河表  
瑞亦紀慶都周家列聖相承卜世卜年之永跨殷軼夏  
迄今攷雅詩所陳自姜嫄以逮任姒稽世德者盛推宮  
壺爲王化攸基詳哉其咏歌之也漢唐以來若明德莊  
憲宣仁亦皆垂休簡冊昭示來茲而懿則徽音方斯茂  
矣欽惟

聖母皇太后德叶承



天祥徵毓

聖有文母之徽而更隆其遇於是太和翔溢協氣橫流  
五緯昭三靈序休徵應遠人格諸福之物可致之祥皆  
紛綸歲蕤輻輳闕下以娛

慈顏稱

壽筭如古所云以天下養養之至者

皇上之德

皇太后之德也

皇上之福

母齊文集

卷二 頌

左

皇太后之福也

臣新海濱下土遭際

聖明備員卿貳幸荷

錫類鴻慈侍養家居曩歲赴

闕恭祝

聖祺

隆恩稠疊

賚予便蕃又

御書歐荻延禧匾額頒

賜臣母

聖恩優渥浹髓淪肌有非筆墨所能罄者

臣跪傾之下



跋躋屏營罔知所以承受退自思維孝經稱天子之孝  
謂愛敬盡於事親而德教加於百姓型於四海臣少讀  
書亦祇信其理耳豈意今日躬逢厥盛親覩

大聖人承

歡養

志之誠明天察地之德教孝推恩之仁至於如此所謂  
置之而塞乎天地溥之而橫乎四海者曷以加茲則信  
乎聖人之德無以加於孝也臣感激懼怖不自量度作  
爲頌詩以敷宣

慶典仰祝

聖母慈禧賡揚

皇帝孝德極知謏陋無文不足以繪乾坤日月之容而  
真誠所積不能自默用竊附於壤歌衢謠之末謹拜手  
稽首而獻頌曰

皇帝受命惟

天惟

祖佑我無疆式闕土宇於千萬年爲天下主泝源肇慶

聖母之祐

一章



聖母之德柔嘉維則應地承天坤維是式化叶彤庭祚  
徵紫極旣壽而康子孫千億

二章

聖母之壽多福單厚嶽貢川珍物產孔阜大共小球絡  
繹馳驟旣熾而豐百祿是茂

三章

仲冬之月日迎修影天正履端曜靈舒景節物呈祥芸  
香荔挺

盛典聿修麟麟炳炳

四章

自彼離宮日至於京壽山峩峩玉泉彭彭西安西直  
輦路攸行是崇是飭萬國歡聲

五章

前賓却背周道如砥層棟重軒穹隆列峙綴以嶽岑山  
林城市夾道鴛鸞

慈顏有喜

六章

曉漏晨興稀星有綴翼軫方中金波晻靄肅穆雲間森  
嚴羽衛

皇帝上

壽其儀藹藹

七章

祇見

慈寧



鑾和應節

玉趾升階佇立贊謁百辟卿士退就爾列

皇帝上

壽其儀秩秩

八章

視膳深宮婉容愉色

大母舍飴文孫繞側慈以旨甘歌舞悅懌

皇帝上

壽其儀翼翼

九章

至日

南郊聿隆昭格

聖節逢辰實惟

天錫禮以義起

聖心維則事

天事

親人倫之極

十章

迺坐明堂迺朝六服殊方在廷稽首頽伏

恩膏澤淳滋液滲漉中外歡呼如天之福

十一章

如天之福



天子萬年萬年稱觴

慈壽十千四海既均遠裔其賓純嘏振振子子孫孫永

保民

章十二

杜齋文集

卷二

天



聖駕四詣盛京恭謁

祖陵禮成恭頌

謹序

皇上御極之四十有八年秋八月諏吉啟行

東蒞陪都展謁

三陵猗歟休哉通神明光四海孝之至也緬惟癸亥肇

禋祀逮今癸卯閱四十年

山原懋典於是乎四舉我

皇上至誠至敬勉思

先業夙夜不忘維

天眷

大清

發祥滿珠

遷於橫甸遂

設都於瀋陽其地岳峻川長俗龐物阜轢郛室凌嫫墟

于以

俯臨區夏奄有萬邦皇哉

始基之隆

得天下之正伊古以來所未有也



皇上升香合莫對越

在天

神聖淵源

創守一德茲固非詞翰之末技所能殫慮竭思稱述萬  
一惟是

禮成行慶以來

布大政

頒德音

宣示羣生歡騰九有

鉅典鴻施較之往歲有加無已寓內懷鉛抱槧者流咸  
思涵泳

聖涯矢諸歌詠

臣

雖固僊竊願率先臚列

盛治晞景卷阿

臣

伏見

芝檢金函

敬奉

闕宮則有

鴻名配命之

詔溯源考文滙流依澗則有



寶閣皮貯之

記

俯仰懷柔丕基崇煥則有

壇

廟

堂殿新葺之

諭翰垣拱衛百堵聿興則有十八城藏工之

吉

大業鉅艱敬觀聰聽則有 皇子扈

蹕之

訓蒙古朝鮮恭順愛戴則有撫懷蕃錫之

命至於錫宴賜爵優老育才肄射尚功蠲租肆赦政

典煒煌

闡澤霑渥上宣

祖德下惠臣民烝哉

聖人之德無以加於孝乎臣奉職綸扉儔直禁闥

兼董成均

恩貺疊承淪浹肌髓雖未獲追隨豹尾勉効駿奔而傾



聽臚歡撫衷欣幸敬擬頌十五章恭呈

乙覽臣不勝懼忭踴躍之至頌曰

皇天佑

大清誕生

天人

錫智仁勇以康我兆民

鴻圖創建

聖

聖纘循我

皇凝命允迪

前勲

孝熙純嘏四舉明禋

一章

巍巍瀋陽

天與之宅黑水白山長源遠脉

丹陵鼎峙擁衛百靈靈長孔固

世德斯馨

二章

軒轅高陽高辛勲華皇古五帝鴻號匪誇我

五廟配之



冊寶

天授寶玉加瓏物珍求舊敬貯於陪京在

帝左右

三章

禮明樂備百年其興

同文化洽簡冊畢登

烈祖懋武功文德是崇文館三院

溯澗於東維東有壁五星奕奕

四章

敬

天禮

地入

廟登

堂

先基丕建

受命溥將乃

召司空垣墉有仇

神饗我舊邦

五章

幽營箕尾東至於海維屏維藩攸疆攸里煥厥曾譙被

於列雉



鞏固丕丕基仰翕

帝社

六章

於鑠

寶訓

聖謨洋洋

紹聞衣德言

啟佑孔長乃

命扈

蹕穆穆皇皇澧流東注瞻覲

烈光

七章

王者無外漸被燮諧矧茲近藩保抱懷來

錫予便蕃貽庥世世慎固封守恭事

大皇帝

八章

遂開明堂

坐以治之

頒慶行賞式燕又思工歌湛露酒醴如飴

賜爵一級拊舞

彤墀

九章

幽岐父老伏謁



天顏飲和承豫垂二百年爰

賜之粟帛登百歲者

恩有加焉塗懽里忭

帝德如

天十章

土產土風

天章備詠淳樸之鄉

文教日盛士也摛文仍淑其行

譽髦增額咸拜

恩命

十章一

龍興勁旅肅且干城角藝命中材勇而精熊羆虎周  
環匡飭孔武有力敬思

開國

章十二

誕后稷之穡茲惟上腴膺膺每每翼翼與與秭稭勿納  
又蠲改歲之租長享豐年藏富於閭

章十三

綏福旣徧民胥樂只矜愚眚赦刑惟謐只舊俗遵循惟  
時若只

政諧溫肅和調玉燭

章十四

古稀天子尊



祖告虔廣培福基式至於萬年自今以始樂利親賢廣

歌

聖德

曼壽洪延十五章

紉齋文集

卷二



皇上肇建辟雍釋奠講學禮成恭頌

謹序

臣聞周立五學辟雍居中天子臨辟雍講學則成均上庠瞽宗東序四學之士咸來觀禮是太學之爲辟雍經訓昭然兩漢析而二之與古異矣魏晉以後有太學而無辟雍唐永徽詳定法式迄未興修宋崇寧建辟雍爲外學制眡太學有差更爲非古洎元明二代又復闕如數茲典者舍成周奚自歟雅詩諸篇懿鑠隆茂緝熙純嘏推媿有由於樂辟雍之所爲詠也我國家化成人道積慶重光

皇上膺上聖之姿建中天之治

盛德大業富有日新魏乎煥乎洽浹寰寓歲乙巳恭逢  
御極之五十年古稀延洪福備淳懋一堂

五世羨衍雲仍詩曰君子萬年景命有僕又曰旣受帝  
祉施於孫子此之謂矣月正元日

大渙恩綸中外禔福越六日 賜宴千叟繩

祖武也優禮倍隆

恩施大賚引年曠典豈區區循更老之曲說云爾哉仲

春上丁



釋奠於

孔子遂

臨視辟雍闡經講道以宣

教澤溯聖源多士敬聽

敷言是訓是行詩云自西自東自南自北無思不服言  
四方來觀之人皆感化於德心說而誠服也先是癸卯  
春

詔建辟雍於太學講堂之陽

指示精詳規撫宏備甲辰季冬告工藏其引水也不改

之并汲以修綆其甃石也如規之沼環以圓隄旋邱則  
築爲禮殿方舟則易爲通橋凡皆準時宜而光舊典  
臣伏讀

御製辟雍園水碑記仰見

皇上崇儒勵學敦實黜名俾天下知

君師道德風教之同因

敬念

祖宗衣冠典禮之舊俾萬世恪遵昭示無極建一制而

良法美意莫不綜貫焉懿哉



大聖人酌古準今折衷盡善固非拘儒末學所能窺測  
萬一者臣竊誦雅詩所咏以爲瓜瓞之祥永則行葦之  
誼隆蓼蕭之惠周則菁莪之化洽詞不同而義無異特  
成周之世皆因時以著美未見其合而出於一也我  
皇上福懋燕貽

恩隆耆耄而

壽考作人之治益沛隆施當夫

闡澤方行卽昭

景貺祥雲表瑞滲漉滋酣乃更

俯念大小臣工及爾髦工咸加

寵錫嘉符隆軌薈萃一時尤曠古所未有雅詩所述又

不足言矣

臣

備直

綸扉兼董黌序欣際

懋典又獲近侍

天顏勉陳緒論榮幸之私形於抃舞

臣

謹案詩序謂頌

者美盛德之形容是時雍之世於六藝之中惟頌爲宜

又莊周以辟雍爲樂名蓋古人以樂教胄子則辟雍亦

習樂之所也

臣

謹撰頌八章宣布樂職用拜手稽首以

獻其詞曰

天子之學周曰辟雍規圓若璧倍於頌官府州縣庠有



泚瀾瀾知爲上雍闕茲環水我

皇監古責實循名

命於太學相度經營鳩工庀材冬官是典告厥成功

貞符大衍

其一

念學維

聖崇道尊

師春秋含奠二仲定時歲在昭陽

親臨有恪言

莅平鄉紀年維昨茲肅

上儀六花瑞呈維

聖契

聖維

誠格

誠德盛禮恭

錫福無量辟水雍宮

皇風遐邇

其二

歲紀奮軋

渥恩普汜



丹詔特頒萬方洽喜漸被暨訖東西朔南普天之下

醴膏泳涵橫檻高薨行禮作樂大化丕昭郁煜覓卓保定單厚人民宜之思皇多祐第祿綏之

其三

景祚孔長爰考厥祥元孫慶衍

五代一堂本支百世緜緜寶系千億子孫錫羨惟

帝提釐荷衢福協充符騶虞麟趾納祉蘿圖睠茲辟雍

訓昭貽翼億萬斯年永言維則

其四

上春六日式燕耆英惟三千叟來趨於廷覲齒貽背

皤皤先後合甘萬齡爲

聖人壽有醴斯清有饌其馨邦家之光高年斯寧三老  
五更厥譌可考我

皇臨雍先以養老

其五

辟雍之中和樂邕邕會歸來格四方攸同有冽者井汲  
之以綆圓池通之既澄且靜方中圓外四匝泱泱以節  
觀者津逮虹梁我我紫極八窗洞啟遠溯周京卓哉

盛軌

其六

濟濟多士聿瞻

德容闡經敷訓萬派朝宗惟



天健行惟

聖止善

至教丕彰包謨孕典珪璋文府雕琢藝林錫時保極永  
懷好音統一淳風陶鈞庶品高挹雲霄覲茲卿景

其七

綸音載頌羣荷

寵賚學海源流演迤浩大洋洋

聖謨方策攸宣巍巍

聖道貞珉是鐫

德以居福悠久寶籙疊祉綿禧萬年玉燭

臣

無能名心

儀瑞徵園橋觀禮勉策餘齡其入



平定兩金川大功告成恭紀

雅十二  
章謹序

欽惟我

皇上纂承

列聖鴻業仁威遐邇聲教四訖

御極以來犁準夷收回部降土爾扈特拓地二萬餘里  
要荒諸君長咸輸誠面內永爲不侵不叛之臣詩書所  
載未有躋登茲盛者也乃有背常亂紀如兩金川者僻  
處西蜀桃坪之外其大者爲促浸逆酋耶卡特其險遠  
自作不靖俶擾鄰疆諸番落日尋干戈

皇帝大度包荒以蠻觸交爭亦番夷故習不足污我斧  
鉞第勅邊臣以時繩束毋俾滋蔓而鴟音難革屢輯屢  
叛索落木苞蘖重萌世濟其凶逆氛益熾釁拉土舍僧  
格桑者小金川之孽種也與促浸始爲仇讐而後聯婚  
靖遂乃負恩偕德狼狽爲奸並肆蠶食圍鄂克什戕革  
布什咱侵明正寨落負隅之計益深辛螫之毒滋大番  
人切齒邊境寒心我

皇上不忍庶族之不幸罹此凶害且無使窮荒醜類狃  
我國威是宜大創以懲不恪乃申



異命行

天討選徒厲兵兩路並進所至皆鑿山通道絕澗披榛  
衝犯霧露風霾雨雪屢戰克捷遂破美諾賊寨掃其餘  
落擒酋父澤旺以獻於時僧格桑踉蹌宵遁然猶野性  
難馴恃促浸爲遁逃藪而索落木樂禍懷姦去順效逆  
復乘間竊發煽誘降番以撓亂我軍實

皇上赫然震怒謂此蕞爾么膺固吾邊吏所卵翼而輒  
箠使之者也乃敢抗我顏行國法王章均不可赦於是  
申

命定西將軍阿桂總其師副將軍豐昇額明亮暨參贊  
領隊諸臣咸稟

睿算授以機宜俾分率神策禁旅剪除凶逆游氛既定  
卽移師促浸賊周遭設險巉崖仄徑堅碣絡繹我軍所  
至披靡若羅博瓦若得斯董若色溯普若喇穆若默格  
爾若木思工噶若日旁若遜克爾宗皆摧陷廓清苗孺  
而髮櫛之遂趾昆色揃拉枯畧苗則大海乘勝進攻勒  
烏圍破其巢焚其城柵礮卡六十餘座一夕而盡惟時  
皇上方舉秋獮之典駐木蘭行幄捷書初奏



天顏慰悅

咨爾將軍其益厲乃功以訖九伐賊徒惶駭失據盡併  
其衆噶喇依以死固拒我軍轉戰直前殄殲羣醜壓西  
里之峯占索隆之隘進克舍齊雍中諸寺遂搗噶喇依  
賊窟三面會圍絕其澗道飛礮所摧雷轟電掣谷迸崖  
傾逆酋驚慄震懼不知所爲哀呼籲天率其全家殘醜  
肉袒就縛遂擒索諾木俘其兄弟妻孥檻送京師金川  
悉平捷書再奏

皇上覽八日之飛章念五年之熒伐申前此無盡劉之

大德成今日不獲已之庸功匪勞奚逸匪艱曷康推原  
惟

天惟

祖宗所以眷佑垂庥永綏荒徼者而益皇然敬畏也昔  
者魏臣賦蜀蒟醬徒聞漢使開邛竹杖是利以古況今  
曷足倫比爰舉展慶施仁之典

山陵

寢廟次第升香歸善

慈寧聿崇



徽號奉

安輿

巡泰岱詣

闕里謁

孔林論賞銘功

親行郊勞勤

天章於國學大告武成

湛恩滂沛惠澤滋熙寬平茂哉風聲之肅誤烈之隆無  
以加矣臣伏考詩篇之鋪揚盛軌鏗錡炳耀傳不朽之  
鴻功者莫著於雅爾雅疏曰雅者正也周禮春官太師  
教六詩一曰雅注曰雅正也言今之正者以爲後世法

也詩箋以萬舞爲雅謂周樂尙武故謂萬爲正雅之爲  
體大小攸分而義則均以正也唐柳宗元思佐光明述  
六月采芑江漢常武之意撰平淮夷雅以獻今我

皇上武功赫濯師出以正而可爲萬世法

臣

入侍

禁

廷服

教最深近又備位樞垣忝司邦政親覩肆伐之威幸與  
獻俘之典下忱忻忭莫罄形容竊不自揣恭擬雅詩十  
二章謹拜手稽首以進其辭曰於皇我

清綬定八荒日窟月竈稽首來王岡或不順敢抗顏行



彼昏西醜肆擾土疆苞葉不靖狡焉鴟張負隅阻險

震我邊方

一章

桃關喋喋金川漑漑各界爾居大小錯雜促浸趨拉始  
離終合以大懾小乃逞爾剽劫叩首決臆惟仇方是愾  
有薑斯螫肆不我輯

二章

我武滔滔其容爾繹騷

帝曰匪棘伊厚毒自消蚰螻爭觸奚俾予斧鑕膏凶頑  
不順狂奔叫呶譬彼蛇豕虺蜴蟾蜍抗我

有德庸顯戮是逃

三章

皇赫斯怒濯征西土有卒如羆有軍如虎申

命臣桂汝其子拊曰豐昇額偕明亮以副獵獵羽旗淵

淵金鼓惟馬首是瞻臣力師武

四章

莫高匪梁捲旆馳之莫固匪礪摩壘剽之三方分攻舒

翼張箕或角或犄輔正以奇批亢搗虛挾其藩籬孰有

攻而弗克孰有隘而弗夷

五章

維賊之藪曰勒烏圍維賊之穴曰噶喇依砰然震動巨

礮神機火烈具舉石走沙飛爾險奚恃爾強曷支蠻髻

膽落爾噬臍何遲

六章



我威肅矣爾窮蹙矣我伐張矣爾讐服矣爾母爾  
姊爾兄悉纍纍其骸腴矣蠶茲匪茹卵雖僅存而巢已  
覆鉤爪鋸牙爾於是乎擇肉

七章

始時西番生心維州今時西番乃懼虔劉若獸在檻如  
魚在罟告爾土舍爾無效尤我疆我里爾牧爾游開屯

置鎮紹我見休

八章

蜀土底平謨由

睿照

帝德冲冲不矜炳耀溯源

天

祖于

郊于

廟歸善

慈寧式熙

徽號受茲介福光照

聖孝示懷示柔風行邊徼

九章

乃奉

聖母乃



巡岱宗鴻庥哀對萬國攸同蠲租緩賦敷惠四東告成  
闕里俎豆孔崇

天章迴鳳鑄石辟雍曰余一人無斃敢侈戎功

十章

鸞輅歸止郊坰涖止大纛高張鏡歌奏喜貝胄朱綬燕  
於

天子勞我軍帥及爾衆士曰篤我不忘綬章褒美麟閣

雲臺依古莫比

十一章

帝開明堂至仁滂浩策勲受祿采薇天保有將鷹揚有  
士鳧藻威定西陲聲濯四表耆定武功誕敷文教守在

四夷

天子有道

章十二



緝齋文集卷之三

漳浦蔡 新葛山

賦

聖駕六巡江浙恭賦

謹序

皇帝御極之四十有九年  
醲化廣治寰宇懋和繩河鏡  
海載清載宴

萬幾宵旰籌恤民隱軫念益勤  
先是河防海塘五勤

鑾輅廣運

膺謀戲薪樵石永資勒鞏澤國以寧  
至是置吏以水功

告成東南望

幸輿情切摯聯牘籲請

天子曰俞哉時庸展義迺

命皇子及近侍臣僚諏吉正月丁未扈

蹕啟行經燕

齊歷吳越

湛恩旁流

懿典備舉吏奮於職士興於黌農服其疇工商裕其業  
簡軍實優高年崇文教宥過眚涵生之物靡不溥被春

祺歡躍抃舞四月丁未



駕還宮蓋自辛未以來省方之典於是六舉而民功是庸於海塘石工河防培築

意計周詳尤期功在平成利及萬世

臣伏讀

御製南巡記以敬

天斯能愛民明理斯能體物因舉宜遲莫速之意宣諭臣民大哉

聖言視虞書之歲巡周詩之時邁

淵衷無逸誠爲超越前古昭示來茲者矣

臣趨承

禁近忝直綸扉不揆禱昧謹拜手稽首而獻賦曰洪惟

聖人之御宇也日躋以敬

峻德克明重熙累洽久道化成訖聲教於四海廓牖戶  
於八紘

疇咨民隱

敷錫羣生念遊豫之未暇幸水土之旣平萬姓實籲而  
企

九重忍逸而寧於是駕

鑿輅發

躋陛丹蜺衙衙蒼龍耳耳大丙弭節勾陳清

軌日御雷動岳隨川駛俞騎襄塗鼓車記里葢農無輟



耕肆無離市莫不迎

翠輦而加額望青旂而頓稽扶持黃髮保抱赤子喁

喁熙熙容容濟濟謂載沾

沛澤之無私六睹

天顏之有喜也

問郊圻之趣塤指齊魯而清塵岱雲擁岳泗水澄津庭  
檜條鬱壁絲韻振循宮牆之噲噲觀車服之彬彬

詔太常而飭事

躬舍奠而申禋豆籩飭樽罍陳禮九擗以有秩樂六變

而於倫展

聖衷之穆穆契

師範之申申蓋以祖堯述舜至誠無息之

天子而昭格乎綏來動和生民未有之

聖人於是而

觀於河也天漢源通昆侖派衍竹箭流平桃花浪淺清  
口之宣洩旣均陶莊之倒流永奠彭城西步武墩南轉  
六牖節於金灣五壩通於高堰旣循軌而流清亦汰淤  
而沙剡而且三堡六堡繼長增高韓山奎山綿延蜿蜒



以石易磚引長補短溯經瀆之綿長達雲梯之宏演清  
黃會而不淆湖河馴而交善下游之防障旣周上流之  
橫決斯免惟

宸斷之必詳較禹功而加顯於是而

觀於海也濤飛龕赭潮射錢塘南坍北漲轉徙靡常彼  
海昌之鹵壤濱地紀爲池隍任三臺爲吐納束兩岸而  
披猖昔簍竹以資衛僅盤薪以爲障

命石工以規城俾金隄之永防培擴及於范堰捍護達  
於鹽倉茲海邦之廣斥縻天府之積藏迺

睿裁之審慎尤區畫之精詳土內搯以爲備水外坦而  
斜張若梅樁之排列若魚鱗之比鑲要使濱渤澥而鄰  
巨浸者皆登衽席而履平康旣定川宗載綏水伯克定  
克綏實歸

帝力

相度準乎陰陽

籌畫及於纖悉不煩民力之輸將無恡 國帑之萬億

粵自辛未以訖甲辰屢勤

清問而勞



周歷克定平城於水府以奠東南之澤國其遲回  
皇皇翼翼

念民依則彰厥有常

命法駕則所其無逸者蓋數十年如一日至於

賜租賜復或半或全蠲征減課重農惠民見我

皇愛育黔首之仁焉入量有慶受賞維吏華級旣加前  
愆後貰見我

皇體恤羣臣之惠焉年引庶老俊選子衿第其嘉頌榮  
以華簪萃野旣賦藥階載吟見我

皇養老造士之心焉易占赦過書監祥刑躔空貫索草  
長訟庭見我

皇象典欽恤之經焉役人擁篲野人獻芹糧加營衛算  
羨牢盆見我

皇惠商恤役之殷焉維

閭澤之覃敷本

聖衷之無欲奇珍却兮供頓除儲侍預兮春糧宿千乘  
兮雍雍萬騎兮肅肅聽南國兮呼三效東皇兮乘六地  
既平而天既成兮鮮不給與不足惟



商載之時勤兮賴

舜巡之親矚於斯時也

大禮具舉

萬福攸同仁風普被淑氣冲融臺靡登而不春民於變  
而時雍惟

天心之允洽篤

帝祐而攸崇送喜

行幄協祝華封緜瓜誦於周室麟

趾美於艷宮躋

三靈之慶集僚

五世而福鍾考在昔而徵信實曠古之希逢

六龍迴御百靈扈從四月維夏告厥成功至矣哉

帝德之盛而

大化之隆乎然而

聖天子猶緝熙基命夕惕朝乾治益求治謙而又謙惟

敬也斯

法

天行健而

聖敬日新惟明也斯



體物無外而

帝治日臻於以億萬斯年受

天之佑以

詒厥子孫以保我烝民

紀齊文身

卷三

十一



天行健賦

原夫混沌初分兩儀旣奠精氣上浮圓靈斯轉輕清垂  
象於蓋高莽蒼呈能於獨擅溥煦嫗而不煩秉鈞陶而  
善變運而不息見一氣之充周動而有常識天行之至  
健是其本根太極托體高穹浩乎莫測渺兮難窮青霄  
靄以炯晃兮碧落團而上沖蒼垠炳耀於樞際兮黃赤  
斜橫於道申麗玉京之煜煜兮浮金闕之熊熊絡地維  
於鼇足兮籠坤軸於提封將幹維之何繫兮豈八柱之  
爲功似裹黃之外轉兮若倚蓋之因風也由是氣極清

明行無轍迹其爲度也三百六十有五而遙其爲數也  
十有九萬二千之隔一日一周而常見其贏無聲無臭  
而不虞其竭循環於二十四氣時序不愆彌布於三十  
六宮歲功屢易調寒暑於陰陽齊晦明於旦夕驗斗杓  
之潛移覘海濤之潮汐颺忽迴還氤氲闔闢如欵車之  
轉轂兮似弩之激射也若夫雙九齊晷二曜並躔旣  
一遲而一疾遂或後而或先曦御長驅每一度之尙縮  
纖阿漸轉歷三旬而始圓更以驗之星辰之布濩參之  
經緯之昭宣金水則附日而行旣伏逆之靡定鎮星則



居中而運更遲留而不前昏參中而旦尾中一日而周  
二十八宿之半春在鳥而冬在昴一歲而過三百六度  
之全凡此象緯之昭灼皆足以驗行健之自然初無勞  
於推步亦何假於璣璿哉

皇上凝泰符握天珍齊七政撫五辰道接羲文之統心  
符帝載之真猶且緝熙用敬不已惟純勅天命於惟幾  
日復一日秉至誠之無息新以又新牖見管窺固莫測  
光華之復旦瞻雲就日竊願賡廣運之如神





齊七政賦

原夫天體至圓天行惟健挹輕清其上浮廓圓靈而運  
轉調時序於不愆秉鈞陶而溥遍運而不息混兮其無  
窮貞而有常灼爾而可見周髀宣夜未足測其高深璿  
璣玉衡斯爲制之盡善爾其清氣凝結懸象著明日爲  
陽德月秉陰精日有中道月有九行一爲中而爲景一  
或虧而或盈隨穹蒼而遞運每遲速之迭更曦御長驅  
極分遠近之景纖阿緩轡旬定晦朔之名若乃五緯昭  
宣四時不忒或伏見之難稽或遲留之莫測金水則附

日而運行鎮星則居中而正域青陽司令於歲星夏火  
當權於熒惑經太微天市而不爽其垣過姬訾元枵而  
互藏其宅皆足以驗歲序之遞遷成歲功而有秩者也  
於是

聖人首出育物對時重撫辰以凝績先察政而揆璣珠  
綴玲瓏繫辰樞而交紐玉簫斜倚驗斗柄以潛移澄雲  
闔之天鏡絡鰲足於地維收二曜於一局並五象以昭  
垂低昂中度迴復隨規玉尺平分窺重輪之璧合彈丸  
羅布儼萬點之珠隨彌布於三十六宮而四氣以備循



環於三百六度而萬象皆宜於時百工惟敘六府孔脩  
日行婁井而爲春爲夏月行白黑而爲冬爲秋驗測景  
於周官短長合度考中星於月令昏旦相侔火西流而  
暑退星方中而寒收鳥火昴虛於是乎定分至啟閉於  
是乎求夷輿析因於是乎準作訛成易於是乎周度量  
權衡於是乎出分疆畫井於是乎謀此自古欽若之君  
必先授時而敬事建極之主首重憲天以綏猷也我

皇上握泰符敷巽令調玉燭攬金鏡智睿禮和仁育義  
正日月並其照臨兩儀徵其順應春溫秋肅同四序而

保合太和畢雨箕風統萬方而各正性命故能百福駢  
臻諸美必備刑措而貫索永清兵消而櫓槍不熾歲有  
而五車垂休政平而六符昭示斯固足以咸五登三參  
天貳地小臣固陋敢抒窺管之才竊效挈瓶之智瞻雲  
日兮光輝頌唐虞之盛治



大衍虛其一賦

聖人首出天下文明德合兩大道符穆清蔚神著之擢  
秀萃草木之菁英稟山川之靈異聚列宿之光精乾端  
坤俛實根原於造化陽開陰闔漸推行於五行當八卦  
之未形則相摩而相盪顯二儀之有象自爲虛而爲盈  
蓋數於焉而立理於是而呈四十有九而用以定十有  
八變而卦以成是其符龍馬之降瑞本河圖之中宮乾  
坤坎離居四正之實震巽兌艮補四隅之空一九四六  
之相連位居西北二八三七之互統數從南東水火木

金四氣遞爲運轉七八九六四象迭爲始終故先天本之以定方位而後天順之以成歲功若乃五十之爲數實則渾然其中爲太極之總會闢造化之鴻濛雖寂然其不動亦有感而能通爲化爲裁鼓之舞之以盡利無聲無臭混兮闢兮其無窮爾其齋戒神明洗心寧怍著圓而神卦方以智求動於靜貴主一而無私執簡御煩先虛一而不事此時萬感俱寂心符帝載之真一理渾全道契義圖之始有若辰居北極任斗柄之潛移雷在地中見天心之不貳蓋一生二二生五五生萬而變



化以昭理生數數生卦卦生爻而吉凶以示然後掛一  
以象三歸奇而揲四三百六十期歲之運以周萬有一  
千萬物之數以備雖錯綜參伍原無思而無爲卽蕃變  
紛紜亦至簡而至易先自合而之分實由道以之器是  
皆無使然而自然莫之致而自至豈若伯陽參同之說  
尙涉支離子雲太元之經徒標奇異也哉我

皇上握乾符闡坤珍心通儀象學貫天人定之以中正  
仁義極之於廣運聖神猶復虛衷以應物握要以臨民  
建極而萬邦作式綏猷而五福駢臻咸五登三遠紹義

文之統執中御六上通於穆之真

微臣

幸逢其盛能無

頌

一人之有道而歌治化之無垠



文以載道賦

原夫洪濛旣判混沌初開觀法象於兩大垂紀綱於三才日星同其照耀雲漢共其昭回山嶽齊其奠麗江河示其滌洄顯而爲飛潛動植融而爲風雨露雷衍而爲色聲臭味錯而爲寒暑往來皆所以啟至德之苞符闢大造之胚胎道之大原所從出文之時義大矣哉故聖人有作立繼開天心通性始神遊象先雖文明之未著亦一理之渾然逮夫圖呈而八卦以示書出而九疇以懸颺拜賡歌開中天之景色殷盤周誥揭千載以昭宣

風雅則四始六義經曲則三百三千莫不辭深義奧氣足理全其文可歌可詠其道可法可傳故知文無定體以道爲歸道有攸彰因文以示本中正之心聲發聖賢之興義繪藻彩於筆端窮精深於思致擷六籍之膏腴抽百家之局秘以順性命之理實本諸心用昭經緯之宜適通於治斯誠足以彰治化之休明作太平之鼓吹乃上世文與道一而後世文與道二旣工拙之不同亦華實之名異天人則不雜而醇治安則實大以肆雕蟲末技子雲異曲於相如作史良材班書接武於馬記至



若王楊盧駱徒誇綺靡之詞沈謝何劉競標新奇之思  
去道日遠而日離其文愈失而愈敝因文見道起衰斷  
自昌黎卽事敷陳剴切終歸陸贄永叔慕古以挽頽波  
仲淹懇切而有條理斯未極乎道之大全亦各盡乎文  
之能事若夫尋墜緒於濂洛漸推行於關閩纂言必鈞  
其與守道則極其純太極闡先天之秘西銘著理一之  
真好學論爲入德之始定性書則造道之醇繼以考亭  
之釐訂實爲洙泗之功臣不摛華而拔藻自炳炳而麟  
麟彼夫操觚之士慕古之英非聖賢之書不讀非聖賢

之行不行嘗懷買櫝之譏豈玩物而喪志不作虛車之飾務修詞以立誠亦何文之不日進而道之不日明哉



律呂相生賦

天子建中和之極會陰陽之精順八風之節協四序之  
平九功惟敘八政用成爰乃截嶰竹之管聽岡鳳之鳴  
究極理數考定中聲將以和上下格幽明涵養九德煦  
育羣生宣幽道滯奮鬱噓萌此音樂之所由以作而律  
呂於焉得名也爾其道原太始數會統宗分奇偶以定  
位別正變而相從陽起黃鐘數窮於無射陰生大呂管  
盡於黃鐘陽主生而陰主成對待者七八九六陽爲施  
而陰爲受流行者春夏秋冬由是分而爲上下錯而爲

始終陽極乎三三其三而管以定數窮於九九其九而  
調以通故其分之以三也象三才之並建其平之以六  
也本六氣之交融其隔之以八也爲八方之定位其協  
之以五也爲五行之成功蓋陽主於進以損爲期陰主  
於退以益爲規如時之一夜而一晝象月之或盈而或  
虧由角羽以遡徵宮抑揚合度始黃鐘而畢仲呂高下  
皆宜若乃大呂起宮蕤賓畢曲究於林鐘原於太簇旋  
相爲宮循環往復管減半以遞吹數以次而遞續又若  
節短則聲清律長則音濁遡自羽以迄宮暨由徵以之



角獨隔二而難通當漸降以相屬半聲以濟全聲之或  
窮變聲以補正聲之不足無非循造化之自然暢蕃昌  
於百族以候卦氣乾以君而坤以藏以成歲功陽不愆  
而陰不伏夫乃知理以數呈道由器示屈伸無止息之  
期剝復有循環之致子爲隆冬之會而天根以萌午居  
炎夏之中而月窟以著奇能統偶本河圖之中宮貞復  
起元符後天之方位其損益也類參伍而錯綜其相生  
也若歸奇於揲四故能宣天地之和而秉橐籥之秘我  
皇上賡歌叶虞舜雅奏婉陶唐玉振金聲操制作之局

與清明廣大象大化之昭彰用能紀綱八極宣暢八方  
昭功象德端拱垂裳至矣盡矣唐哉皇哉小臣躬逢其  
盛恍厠身於鳳儀獸舞之世而歌頌於解慍阜財之章



四海以職來祭賦

恭惟

聖人首出德業廣崇百度具舉典禮攸隆旣戴高而履  
厚亦報德以崇功愛敬盡於祖考精誠格於高穹義率  
祖而仁率親莫先報本父事天而母事地首重升中爲  
秋爲冬禮緣時以定制享親享帝誠有感以皆通蓋惟  
躬承大宗斯昊天其子實以孝治天下故萬國來同粵  
稽周室百年有道家相經營成王肇造遡根源于水木  
始自有邠念基業之艱難成于穆考是宜厯百世而不

祧齊悠久于蒼昊制依古定就陽位于南郊禮以義生  
建明堂于豐鎬尊天而尊稷故日以冬至候初生于一  
陽親帝以親文則時用季秋因告成夫萬寶于時一人  
穆穆百爾蹌蹌明禋格于於穆德化溢於遐荒莫敢不  
來享莫敢不來王集共球于躬桓蒲穀敷聲教于侯甸  
要荒瑞色纔臨映旌旗之璀璨香煙細嫋共燔燎以飄  
揚或牽牲而執幣或秉裸而奉璋肅鷺序而奔走傷龍  
袞以升堂莫不奏假無言對壇壝而鵠立執事有恪拜  
寢殿之龍光則有萋苴之客膚敏之彥歌追琢之章助



裸將之奠同序事于廟中共肅雖于殷薦異姓居後無  
勞滕薛之爭尙德爲先不假祝鮀之辨故不獨文昭武  
穆共仰對越之虔卽至譽子軒孫無非駿奔之選也我  
皇上丕承大統至孝深仁惠澤溢于寰宇馨香洽于神  
人繼序不忘撫几筵而色動大觀在上當昭格而情伸  
乃者際南郊祀

天之日適

憲考升祔之辰鉅典攸垂報德與崇功並重儀刑作式  
文謨與武烈常新助裸獻于

廟中穀貽孫子捧

恩綸于日下喜溢臣隣

微臣

遭其盛惟有歌

一人之有慶而與百福之駢臻



壁中聞絲竹賦

井序

昔者漢經秦火之後六籍榛蕪頗求遺書猶多散佚其  
時老生宿儒如伏勝之授書厥功甚鉅然千聖真傳未  
能悉記靡遺至魯恭王得古文尙書于孔壁而全經始  
備漢書傳壁中聞絲竹之聲紀爲盛事此殆天將以夫  
子爲木鐸而非荒誕無稽之說也謹作賦曰

緬維先聖道高德隆刪詩定禮旣廣且崇典謨訓誥帝  
德王功矻矻纂修羣言折衷自唐暨虞及周之東精文  
與義靡不會通立百王之大法覺萬世之顓蒙蓋沉晦

歛藏者幾百年而忽得之于壁中於時正學將明炎精  
嗣起彼東魯之藩封當杏壇之故里思卜宅以自廣遂  
命材而飭庀爰審爰度載經載營闐爾無見忽焉有聲  
微聞而意欲動漸聽而耳遂傾似奏鈞天之樂如聆簫  
韶之成逸韻鏗鏘徹宮牆之數仞和聲依永繞餘夢於  
兩楹豈七十子之絃歌餘音未歇疑十二牧之師濟拜  
手颺賡何堂上堂下之皆徧兮若升歌間歌之奏于諸  
伶也寧風浴詠歸之餘韻兮抑師襄師摯之各假以鳴  
也將戛擊搏拊之競響兮或黃鐘大呂之實大而聲宏



也徐而聆之應使廣大清明傾勾吳之公子卽而觀之  
不僅易象春秋羨晉國之名卿于是恭王肅然敬躍然  
驚瑤函斯啟玉檢以盛獻之秘府傳之經生豈不足以  
昭茲來許壯我漢京哉是雖涉于神奇兮寔灼然而可  
覩彼天祿與石渠兮經諸賢之訓詁漢代則註疏之必  
詳宋儒則義蘊之悉數迨及我

皇遠邁隆古緯史經經咸三登五道法接于唐虞淵源  
傳自鄒魯惟前聖之有開而必先斯教澤之厯久而彌  
溥乃作歌曰邃古之初尙結繩中天謨典揭升恒泰灰

垣馬紛相仍炎漢方中正學興壁間絲竹聲飛騰奇文  
蚪斗顯瑞徵我

皇首出大寶登耿耿單傳丕靈承鼓吹休明治允升表  
章六籍覺羣曹日月光昭莫不增明良會合庶績凝



# 策論

御試聽言考實策

欽取第一

自古帝王治天下莫先用人而用人之法惟其實不惟其名夫實必用之而後見當其始則亦惟有聽言之一法耳書稱敷奏以言記曰事君先資其言蓋自唐虞三代以來未之有改也惟是隆古之世風俗茂美士之修於家者無非德行道藝之實故獻之廷者乃言底可績然所謂靜言庸違者已不免於聖世則甚矣聽言之難也竊嘗考之二典三謨以及伊訓說命等篇其言多格

心之論周官呂刑等篇多敷政之詞帝臣王佐皆言其實也三代以後若賈誼治安策諸葛亮隆中對以及陸贄李綱之奏議韓范司馬之論列明道朱子之告君雖各有淺深高下要皆坐言起行可以見之實事者不寧惟是卽雜霸之徒管商申韓各以其所學著爲書于世主取功名惟其實不軌於正故其用遂流於雜然其言亦主於實也他若老之虛無楊之爲我墨之兼愛莊列之荒忽詭誕其實旣無所用其言總屬無稽然亦未嘗分言行而二之是其言亦主於實也惟後世以言取士



士之服儒衣冠傳先王語者莫不宗周孔而談仁義論  
治則蕭曹以下皆置貶辭講學則陸王諸家槩從擯斥  
聽其言非不彬彬乎三代之英也然而考其實則或迂  
踈而寡效或希世而盜名或梯榮而干進或好異而僨  
事甚者挾詐營私機械百出曾不足以語庸夫而自附  
於士君子之林者比比也此聽言之所以難也我

皇上明並日月學貫古今凡臣工之敷奏固卽言以知  
人若禹鼎之知神姦物無遁照矣則聽言考實之道豈  
復有能補

聖慮之周詳者顧臣竊思之考實不外聽言之時無俟

用之而始見也夫進言之弊莫大於揣摩而迎合上好

寬則競言矜恤上好嚴則爭言綜覈上好勵精則羣言

明作上好安靜則托言和平雖其揆情度勢或有可採

而揣摩之習不去終不能與骨鯁大儒議論通古今憂

國如饑渴者等自古及今弊也久矣是以明聖之君當

聽言之時逆心者必求諸道遜志者必求諸非道非必

逆心者皆是遜志者盡非也念名實之易淆聖逢迎之

常工思以杜回邪來忠直省躬寡過鑒別人才而已矣



人才得則實用自彰夫何言與實之相違哉

紅雲集

卷三

三



御試治必有爲而後無爲論

欽取第一

天下之治治於上下憂勤惕厲之精神而不在於紀綱  
法度之改絃更張無漸也然未有一任紀綱法度之陵  
替高拱不事而可坐希上理者唐虞之世工虞水火弼  
教明刑教稼典樂諸大政不可謂不繁上下之交警交  
贊吁咈之聲不絕於耳不可謂不勤或九載而弗成或  
八年而底績或三旬而逆命或四罪而咸服不可謂不  
勞且久迨至平成奏績時雍協和一人垂拱於上而措  
天下於治安故臯陶之告舜曰兢兢業業一日二日萬

幾自其有爲言之也孔子稱之則曰恭己正南面自其  
無爲言之也夫治固必有爲而後可以無爲者也請試  
論之開創之世承積敝之餘百度廢弛其君臣上下類  
多精明強固明作有功罔敢玩愒以迓天休於是百廢  
俱修思爲宗社措磐石之安爲子孫樹苞桑之固此其  
身任有爲之勞而未享無爲之逸者也守成之代蒙業  
而安但能恪遵成憲無大變更而天下亦治此其承有  
爲之後而獲享無爲之福者也然天下無不敝之法亦  
無可懈之心所謂琴瑟不調必取而更張之又烏得執



已成之法而曰無動爲大也故凡上恬下熙苟且旦夕者未有不貽叢脞之憂者也憂盛危明綢繆未雨者未有不享靈長之澤者也其君晨興早寤於上其大臣震動恪恭於下其百司執事奉法守職於中外之間一時上下之精神謀慮莫不有以通百年而周四海勿逸也而曰逸勿休也而曰休夫而後可稱有爲夫而後可以無爲不然若唐明皇天寶以後日耽逸樂如是而曰無爲非無爲也墮而已矣宋神宗熙豐之時日事紛更如是而曰有爲非有爲也擾而已矣

一、

二、

三、

四、

五、

六、

七、

八、

九、



御試守道論

欽取第三

嘗聞之朱子曰古之君子一日立乎其位則一日業乎其官一日不得其官則一日不敢安乎其位是君子之仕爲道也爲道而仕則官與道一者也官之所在道之所在也未有守道而不能守官者此不易之論也及觀左氏述齊景公招虞人事君子韙之以爲守道不如守官而論者遂疑其道與官分而爲二是未得乎守道之說者也夫道之體甚大其用在天下日流行於綱常倫紀之間其見於官者凡事君理國牧民御衆莫不各有

隨分自盡當然不易之經是道之所寄以達者也故曰  
道爲虛位又曰道不虛行君子而在下則守身正所以  
守道君子而在位則守官卽所以守道也孔子大聖人  
也當其問畜牧司會計所守者委吏乘田之職耳官也  
卽道也孟子之策軻黿告距心所守者士師邑宰之職  
耳官也卽道也故以其泛言守道不如守官之切也爲  
在官者言之也而柳宗元顧以爲非豈知道者乎抑所  
謂守者必其信道篤操持固不爲威惕不爲利疚然後  
謂之能守若其履亨途逢聖世或可自附於正直之林



一旦利害當前爵祿重則名義輕身家重則志趣靡未  
有不頽然喪其所守者此匡張孔馬之徒所以貽譏於  
後世而爲虞人之所笑也





